

Jekabaara



World Vision

Cikela ceman n'a musoman Kunnafoniseben

a be bo kalo o kalo

Jamana baarada la BP: 2043 Bamako (Mali)

Ni Bagajiw nafa ka bon kooriforo ma, u be se fana ka kasaara lase an ma

ne 3-4nan

Dantigelikan

ηunu te san sorɔ juru ko.


Awa maa te ke maa ye maa ko. An bεe de ka sababu be nɔgon na. O kanma, an ka duguw kɔnɔ, an ka sigidaw kɔnɔ, an k'a jini ka ke nɔgon taw ye ka t'a fe adamadenya siratɛgɛ la. Don o dɔn, an bεe k'an yere nininka nin na : yali ne ye mun ko kelenpe de ke bεnɔgɔnya sabatili kanma n ka sigida kɔnɔ ?

Aw m'a ye, dunu bennen, bala bennen, maaw bennen de kafisa n'o bεe ye. Barisa maaw de be nisondiya sorɔ dunu ni bala la. Cikedaw la, an k'a dɔn ko bεe ka sorɔ de be hakilisigi jigine fa. Maakelen-sorɔ te dɔwεre ye maa-sorɔbali caman cεrɔ doolo kelen ne diya ko sandibi rɔ. A kera cogo o cogo, dibi o b'a nemadogon don do. An bεe ka nɔgon nɔgo kun, n'an b'a fe ka to nɔgontaya la. An be dije waati min kɔnɔ bi, bεnbaliya te ko si dilan. Awa dije fεn fosi te yen bεn be dεsε ka min kulu yelenbagaw ke maaw ye danbe kɔnɔ.

Tumani Yalam Sidibe



Danni - kemetilada waleyakatimu



Dawuda Mace Dowo

nesin 2002/2003 baarasan kooriko ni senefen tōw taabolo katimu ma. Fo ka taa koori danni

S a l o n
ba a r a -
san koori
sannifee-
re taabo-
lo kati-
m u w
kuncelen
ko, an
bena an
baarasan

lahalaw dōn fo ka se san 2002 zuluyekalo tile 10 ma. Dannia taabolo, k'a ta zuluyekalo tile 1 ma ka s'a tile 10 ma, san 2002. Nin kunnafoniw temesiraba ye o waati kelen sanji hake nalen ye. Nin kemetiladaw hakew sorola dasumusumu-segesegeliw de senfe. U be 2002/2003/ baarasan taabolo jira. A jatedenw be sementiya sanjihake jateminesebenw fe. K'an ben boko nata

Dawuda Mace Dowo

Sanji hake nalen k'a ta san 2002 zuluyekalo tile 1 ka s'a tile 10 na.

CMDT Cikemaraw	Tile 15 kono sanji nalen hake		No dannen kemetilada %	Keninge dannen kemetilada %	Kaba dannen kemetilada %	No dannen kemetilada -%
	Down	Milimetere hake				
Fana	3	83,2	% 54	% 51	% 52	% 69
Buguni	2	92,0	% 94	% 87	% 54	% 77
Sikaso	5	71,6	% 78	% 75	% 77	% 89
Kucala	5	44,0	% 69	% 53	% 54	% 76
San	2	22,0	% 27	% 26	% 36	% 69
Kita	4	76,8	% 54	% 70	% 52	% 79
Hake kuuru ka se zuluyekalo tile 10 ma san 2002		% 50	% 56	% 58	% 77	
Salon waati kelen in ta (san 2001)		% 75	% 70	% 71	% 102	
Tari hake bolodalen	334 662	445 843	265 624	491 900		
Waleyalen	165 831	248 721	155 043	376 811		

kunse, kalo o kalo aw bena o kemetilada hake waleyalen katimu sorɔ nin yɔrɔ in na. A be kooriko taabolo kan cogo min na, a be boli sumanw fana kan o cogo kelen na (no ; keninge...). Nin yɔrɔ in na aw bena danni

Hakiliseneken

Suf-e-jɔsusu te dɔwɔrɛ ye sew janfali ko. Bi maaya dun sigilen b'o sawura dɔrɔnpe de kan. Ka mɔgɔ dōn a nema, walasa ka janfabere dayoro sorɔ a kun. Aa ! Dine dɔrɛ !

Tumani Yalam Sidibe



Poyi An bɛe be sa

Ntenendon san 2002 Zuwenkalo tile 24 N tun be seledo dō kono N ni jama Maa dō ka dayɔrɔ laban kadara kono. K'a da dugu rɔ K'a nesin kaaba ma k'a kɔ sin sitaneyeele ma. Aa labanko joɔrɛ jaa dɔrɛ An bɛe laban ye dugukolo dɔya ye. Jaa dɔrɛ Dugukolo kanfén bɛe ye dugukolo konofen Ani dugukoloya ye don dɔ. Mun dun kanma An be yaada ka yaada ka yaada fo ka fili an yere ma An minnu te fen ye Nɔgɔ ni nɔgɔju bondon ko Sawura gansan cɔne yanga kono. Fu ni fu dɔrɛ Jaa dugukolo kanfén bɛe ye fu ye. N'an ma hali Ala dōn An koni k'an yere dōn N'o kera An be tige an yere la ka maasebeya ke Sanni an ka bunaadamenya Kuntaala surun in Banwaati ce. Hali san 120 O bɛe te gansan ye wa ?

Tumani yalam Sidibe

Koorifurakcogo n'a nafaw



Zan Dosayi Jara

Karamogo Zan Dosayi Jara kumanen kɔ an ye senekemasinw kan Jekabaara boko temenen kono, an ser'a ma nissen in na ni nininkaliw ye furakeli taabolo kan. Koori te taa bagaji ko, ka bi a danwaati, fo ka se a sewaati ma. Awa, koori furakeko numan de fana bena n'a soro keli ye k'a kebaga nafa haali. Awa an ka karamogo Zan Dosayi Jara lamen.

Nininkali : Karamogo, nafa jumen be furakeli la koori ma ?

Jaabi : Tumani Yalam Sidibe, bi sogomada nininkali in diyara n ye. Komi an ye kuma caman fo koori taabolo kan Jekabaara boko temenen kono, an bena an banban furakeli kan nin yoro in na. Fen min ye koori furakeli ye, o koni ye wajibi de ye. Senekelaw yere b'o wajibya don ka soro a ma ke lakolidenw ka foli ye. Nka baaraw fana be nɔgɔn dafa de koorisene taabolo la. Sanni ka se furakeli ma, wajibi don i ka kooriforo sene folo k'a je, ka bin bee bɔ a la, ka soro ka danni ke. N'i y'i ka koori sene, ni bin b'a la, i ye furakeli ke cogo cogo, ntumu b'u dogo bin kɔrɔ. O b'a to i ka furakeli te mako je. Bee dun b'a don ko ni koori ma furake, a furakecogo la, o be se ka ke sababu ye k'i ka soro bin fo tilance la, fo ka s'o yere ni san ce ma. Misali, n'i ka koori furakeli keko numan be kilo 100 d'i ma tari la, a furakebali be kilo 50, walima o jukɔrɔ, de d'i ma tari la.

Furakeli koni ye wajibi de ye an ma. N'an ko furakeli ye wajibi ye, n'a ma k'a kecogo la, ka k'a ketuma na, ani k'a hake donta matarafa, o b'a nafa nagasi. Hakililajigin na, an ko ko n'i ye koori dan, n'a ye kurutigeli damine, dɔw b'a fo k'i k'a to feere ka bɔ. O tun ye kecogo kɔrɔ ye. Nka, bibi in na, ntumuko barika ka bon cogo min na, kuru minnu bena ke feere ye, ni ntumu y'o dun ka ban, i tena feere soro de !

N'e m'i senna-caya i ka kooriforo la, k'a yaala, k'a laje ni ntumu b'a la, n'e ko i b'a to feere ka bɔ, fen min ka kan ka ke feere ye, ni ntumu y'o dun ka ban, i tena feere soro de ! N'i ka koori danna ka ban, n'a ye kalo kelen soro, i k'i senna-caya i ka foro kono. N'i y'a ye ko ntumu ye boli damine, i ka kon ka furakeli folo ke. Bawo n'e ma kon ka furakeli folo ke, n'olu de ka girin, n'olu de be soro banban, ni ntumu y'o dun ka ban, minnu bena olu kɔfɛ, olu girinya te bonya. O koson, furakeli folo ka k'a kewaati la. N'i ye kooriforo sene ka je, ni bin caman t'a la, o bee be se k'i deme nɔgɔko siratege la. Furakeli koni, an k'a don ko fosi te se ka bila bagaji no na.

Nininkali : Yali i be se ka do fo an ye koori fura suguyaw n'u kewaati kan wa ?

Jaabi : Bagaji kalite naani de b'an bolo sisan. Darapo b'u kan.

- Folo ye kooribuludunntumu furake-bagaji ye.

- Koɔrikuru-tijenintumu fana furake-bagaji be yen.

- Ntumu minnu b'u bo ke koori kan k'a je tijɛ, ani ka bana were lase koori ma, olu kεlebagaji fana be yen.

- Kabini nkelenntumu ka tijen ni barika bonyana, an wulila k'an jo, ka bagaji were nini min be se k'ale kεle.

- Nkelenntumu de ka jugu koori ma kosebe. An ye fura dɔw soro o kanma. O de kanma, an y'a nini cikelaw fe san danmado ninnu na, k'u k'u ka furakeli folo ni filanen ke n'o bagajiw ye.

Furakeli be ke ni bagaji litiri kelen nagaminen ye ni ji litiri kononton ye. O be ben fura labennen litiri tan ma. O be tali ke furaji suguya bee kan, fo

n'a kera "Awɔnti" ye. O be mananin de kono. Senekelakɔlidenw b'o labaaracogo nɛfɔ cikelaw ye, ka masɔrɔ hake tataw b'a la.

Nininkali : Yali kasaara be soro bagaji labaaracogo jugu la wa ?

Jaabi : N'i koni ko bagaji, i k'a don ko bagaji ye bagaji de ye de ! Fen min be nimafenw faga, hali n'o kera ntumu fitiinin de ye, bee b'a don k'o ka jugu adamadenw yere ma. Kuma yere t'an ka sisan bagajiw ta ma. Kasaba te sisan bagajiw la i n'a fo folo taw. O koson, fo mogow k'u yere kolosi u la kosebe. Bagaji ninnu be se ka tijen don i kun doɔnin-dɔɔnin. Hali furakeliyɔrɔ la, i k'i janto i yere la, bagaji kana i fari yoro si lasoro sanko ka s'i kono. N'u tora ka bon i fari kan, hali n'e m'a don o yɔrɔnin kelen, san danmado, a bana be se ka wuli i fe. O de kanma, n'i be furakeli ke, i b'a to fijne-taafan-kelen waati ka se. Sogomada fe ani wulada fe. Nka, taafan kelen te fijne na tuma min na (midyanfan) fo ka taa se selifana waati ma, taafan kelen te fijne na o waati la. O de kanma a man kan furakeli ka k'o waati la. Barisa fijne be se k'a ce ka k'i kan. Nka koɔrisenena dɔw tulu ka gelɛn. N'u ye baara damine dorɔn, u t'a fe k'a lajo fo k'u tila. Fijne ka kasaaraw bɔlen kɔ yen, an k'a don fana ko furakeli mana ke ni fini minnu ye, olu fana be se ka kasaara lase an ma. O de kanma olu kobali man kan ka taa so. Dɔw dun be taa so n'u taw ye fo ka dumuni ke n'u ye. O bena ni kasaara ye.

Nininkali : Mogo te Ala deli a la. Nka ni bagaji kasaara ye cikela min lasoro dun, mun ka kan ka ke ?

Jaabi : Ni bagaji kasaara ye mɔgɔ o mɔgo soro, i kan'a fo k'i be fura nini a la i yere senkɔrɔ. Dɔgɔtɔrɔso min ka surun aw la, aw be t'a di yen. Dɔw b'a fo ko ka nonokene di bagaji-kasaarato ma. O man kan. Bee b'a don ko tulu be nono na. Tulu dun be baga barika sankɔrɔta de. Ni bagaji ye mɔgo min, ko kelenpe min be ke, o de y'a donini ye ka se dɔgɔtɔrɔso la min ka surun. Yen, dɔgɔtɔrɔw be n'e soro a la.

K'an ben boko were

Bagaji minen kɔrɔw ladoncogo

Kɔori joyɔrɔ ka bonya siga te maa si la belen du ka nafalo siratige la, ani Mali jamana yere ka jetaa dakun na.

O joyɔrɔba min be kɔori bolo, o sababu bɔra neñinuw la minnu kera koɔrisene kadara kɔnɔ, a furakeli, fo ka se a senekeminɛnko ma. O baara taabolo barikama de b'a to an b'a fo ko koɔribaara be yiriwasen kura kan an bara yan.

An y'a ye jekabaara boko temenenw kɔnɔ, ko nɔgo (tubabunoɔ ni sunungunoɔ) joyɔrɔ ka bon haali. Nka, o baara be sabati ni koɔriforo yere latangali de ye ka bɔ tijenifew kasaara ma. An k'a dɔn ko koɔriforo balowaati kelen-kelen bee n'a ka tijenifen suguya don. O de kanma, furakeli kecogo numan nafa ka bon haali. A ka gelen maa ka sɔrɔ lakika ke kɔri la, ka sɔrɔ i ma barika don a furakeli la.

Fo n'a bɔra foro kerenkerennenw la, an be se k'a fo ko ni koɔriforo ma furakeli, nafa te sɔrɔ a la. O de be koɔrifurake nafa jira an na kɔri ka sɔrɔ sankorɔtali la. O de kera sababu ye k'an ka suguw fa kɔri fura suguya caman na. Walasa ka kɔri furakelcogo lakika jira, baarakalan be sigi sen kan o kadara kɔnɔ, koɔrisenew bee kanma. O be ke CMDT mara bee kɔnɔ. N'a ye cikela min diya, o be se ka ye baarakalan ninnu kene kan.

Bi bi in na, koɔrisenew bee be bagaji ka maasibaw dɔn an ka keneýako siratege la. O de kanma u ka kan ka labaara yerekɔlosi kadara kɔnɔ. O yerekɔlosi be sigi dakun wolonwula (7) de kɔnɔ.

Dakun fɔlɔ :

An k'a dɔn ko bagajiw be se ka maasibaw lase an ma.

Dakun filan :

Furakelikela ka tangalanminenw matarafa ("gan" n'o ye bolo tangalan ye ; nedatangalan ; ka pantalon don, ani ka duloki bolojan don).

Dakun sabanan :


An kana dumuni ke furakeli senfe ; an kana ji min ; an kana

sikarati min.

Dakun naaninan :

Demebaga ka sɔrɔ an kerefe.

Dakun durunan :



Furakeli kelen kɔfɛ, an kan'a keminenw n'an ka finiw ko kɔjiw la.

Dakun woɔrɔnan :

An kana bagaji mananinw lafili bɔlɔnw kɔnɔ.

Dakun wolonwulanan :

Bagaji labaarabali be lasagon yɔrɔ kerenkerennen na tuma bee, denmisenninw t'u lasɔrɔ yɔrɔ min na.

Fen min ye bagaji mananin lan kolonw ye ani a fen wərew, i n'a fo bidɔnw, an kana olu lafili bɔlɔnw kɔnɔ, walima k'a fo k'an b'u ko k'u je, walasa k'u labaara kokura an makonesira wərew kan.

Aw yere ka lakana kanma, ani sigida bee ta, a kafisa aw ka bagajimanainw n'a minen were tow bee jeni. O be ke jeniminien kɔnɔ, min labennen don o kanma. O ye minen ye min labaarali ka nɔgon haali.

A be dilan ni litiri 200 barikon ye. Wosira fila (2) be bo a la. An be sɔrɔ ka giriyasi don a kɔnɔ. (O giriyasi sigilen be negesenw kan, minnu janya ye santimete 19 ye).

Jeniminien in baju bɔra "SEN-CHIM" de la, n'o ye bagajiw, nɔgɔw ani binnagasilanw dilanbaraada do ye, min sigilen be Senegali.

Numu minentigi bee be se k'a

nɔgon dilan an bara yan, walasa ka ladonko numan sɔrɔ an ka minen kɔrɔw la.

Jenini kecogo barikon na

1. I be giriyasi senma don barikon kɔnɔ.

2. I be mananinw, walima bidɔnw don barikon kɔnɔ, k'a fa fo ka se a kɔnɔ tilako sabanan ma.

3. I be gazuwali funfun fen jenitaw kan barikon kɔnɔ.

4. Litiri 1 gazuwali be se ka funfun bidɔn lankolon 35 fo 40 kan. Walima, n'a y'a sɔrɔ manaforokoninw don, litiri kelen in be se ka funfun olu kilo 5 kan barikon kɔnɔ.

5. I te sin ten ka barikon fa. A fatɔla, i be to ka gazuwali funfun a kan, walasa a be fen jenita bee lasɔrɔ. Mananinw fana ta be k'o cogo la.

6. Barikon be datugu n'a datugulan ye.

7. Tamɔn be sɔrɔ ka don barikon dugumawo do fe.

8. I b'a to yen a ka jeni ka ban miniti 25 fo miniti 30 kɔnɔ.

9. Barikon sumanen kɔ, i be dingue tige duguma, ka jenifew bugurinje k'o kɔnɔ, k'a da benben.

Kɔbsili : An kana bidɔn walima mananin si jeni n'a kɔnɔ ji tonin ye.

An be bidɔnw senenko fɔlɔ ka sɔrɔ k'u jeni.

Dawuda Mace DAWO

Ka bɔ Ngolo Tunkara yɔrɔ.

Ngolo Tunkara nisondilen bɛ nin bataki ci Jekabaa-ra nemaayaso la Bamako, ka n ka kunnafo d'u ma, ani waleya wrew, minnu kera anw fe Faransiyan. Fen min ye an ka jamanakuntigisigi kalafili kuflo ye, o kera ka ne kosebe. N ka min y'a kunfilanan ye, an taar'o kalafiliyɔrɔ la, u ko an kana an ka letereforokow danɔrɔ. Ne yere kɔni nena, o ye nanbara daminetɔ ye, ka d'a kan, n'u ye letere forokow dayelen, n'u ma u nidinkolamogo ja ye o kɔnɔ, u b'o bɔ k'o fili, k'u nidinkolamogo ta bila o kɔnɔ. Ni nanbarako te u kɔnɔ, an ye kalafili kuflo letereforokow fana ta danɔrɔ o

cogo kelen na. Nka n'i y'a ye u m'o fo, bɔe b'a dɔn k'o dabɔra nanbarafin kanma. Nk'an bɛ Ala deli k'a nin'a fe a k'an kisi balawu ma a ko la. Nɔntε a dɔw sɛbekɔrɔ jengennen de ! N ka n'an ka here bɛ maa min bolo, Ala k'o tigilamogo sigi jamana kunna.

**Ngolo Tungara 61 rue de
Charonne 75011 Paris
Chambre N° 1032.**

Jaabi

Ngolo Tungara, jekabaara nemaayaso nisondiyalen y'i ka bataki sɔrɔ, kalafili kunnafo bɛ min kɔnɔ. O tuma, an b'i fo i ka hakiliñumanyabaara la, ka bataki sɛben an ka kan na k'o ci

anw ma Mali kɔnɔ yan, o kera fen ye an ma dan sɔrɔ min na. N ka an sigilen fana tun bɛ n'a ye. Ka d'a kan, kabini an ye Mosere Jara ka bataki sɔrɔ ka bɔ Pari, Faransi faaba la, an y'a dɔn ko filanan bɛ sɔrɔ a la Malidenw fe Faransin. O tuma, nin b'a jira ko jamana kanu bɛ aw la k'aw to Jamana wrew kan. i b'i jija k'i foto ci an ma. An ka foli b'i ye, k'an bɛn waati nataw la.

Fen min ye kalafili sɛbenko ye. I bɛ don gundo sonnin kɔnɔ kɔnɔ de. I kelen ni Ala kelen, i b'i dungɔmaa ka sɛben bila foroko kɔnɔ. A te danɔrɔ.

Jekabaara sɛbenjekulu.

Fana cikemara kunnafo

- Cikesan 1957-58 kɔnɔ, nininikɛlaw cira CFDT (Faransi koɔrisene baarada) fe ka na koɔrisene donni ferew tige Fana mara la. Koɔrisene baarada y'a ka lasigiden fɔlɔ sigi warasala, san 1959 mɛkalo. O ye dugu ye min ni Fana ce ye kilomstere 8 ye, Bamako sirakun na tilebinyanfan fe.

- O y'a sɔrɔ nin cikɛkafo kɔrɔ saba tun bɛ Segu fe. Kabini san 1959 la:

Kɔnɔbugu, Jɔyila ani Fana

Koɔrisene jiidilen, Fana cikemara kuntigisigiyɔrɔ dayelela. O kelen, o cikɛkafo korow yelemena Fana fe ka fara nin kura saba kan :

b) Markakungo cikɛkafo sigira san 1974

O kuntigi fɔlɔ kera Mahamani Mayiga ye



Drisa Jalo Fana
CMDT
cikemarakuntigi

c) Bɛlɛko cikɛkafo sigira san 1972 O kuntigi fɔlɔ kera Sekumaru Kulubali ye

d) Masigi cikɛkafo sigira san 1980 O kuntigi fɔlɔ kera Nɛgeba

Fane ye * Fana cikɛkafo datugura san 1982 , ka segin k'a dayele san 2002 la.

O kuntigi kura kera Isaka Camu ye.
* An k'an janto nin na

Fana kera cikemara sigiyɔrɔ ye san 1970. O ni bi ce, cikemara-kuntigi minnu fɔra nɔgɔn kɔ olu file nin ye.

1) - Fɔlɔ : Simɔn kilaye, k'a ta san 1970 la, fo 1975

2) - Filanan : Piyeri Zaken, k'a ta san 1975 fo 1976

3) - Sabanan : Zanni, k'a ta san 1976 la fo 1978

4) - Naaninan : Burulayi Sidibe, k'a ta san 1978 fo 1980

5) - Durunan : Zan Batisi Jabate, k'a ta san 1980 la fo 1987

6) - Wɔɔrɔnan : Dugufana Tarawele, k'a ta san 1987 la fo 1993

7) - Wolonwulanan : Mamadu Ture, k'a ta san 1994 fo 2000

8) - Seeginnan : Dirisa Jalo, k'a ta san 2000 utikalo tile 22, fo sisān 2002 san.

Fana kalanso bolofara nemɔgɔ ka demebaga.

Sidiki Kone

An ka kominiw kibaruya

Komini labaarali te méri n'a baarakéñogonw danma kunko ye.

komini 703 be an ka jamana kono yan.

Keréñkerénya la, Bamako ta ye 6 ye Olu la. O hukumu kono, Inazefu ye tile-duuru-kalan boloda ka nesin Bamako komini 4 nan, ni 6 nan mériw n'u ka konseyew ma, ka fara maa werew kan, i n'a fo kin nemaaw ni dugutigwi, ani baara were kebagaw.

"Inazefu" ye netaademebaraada ye, min ka baara nesinnen be kalan dili ma maaw ma u ka baa raw sabatili siraw kan. keréñkerénnena la, an balima togodalamaa senekelaw ni jagokelaw.

O siratige la, u ye kalan in nesin nin maa kofolen ninnu ma, walasa u be se k'u taafan don u ka baara taabolo la cogo min na.

Kalan in tun be boli dakun 3 de kan :

- * Mériw joyoro,
- * Jama joyoro,
- * Dugu maanemaaw fana joyoro.

Inazefu ka karamogo faamuya lenw y'u da don nin maa ninnu kelen-kelenna bee lajelen joyoro la, k'a walawalan kalandenw ye an ka sigida labaarali cogo numan sira kan.

Maa ninnu ye misali caman jira kalandenw na kalan in senfe. U ye komini 2 noggona ta k'olu ke misali ye, n'o ye Duguba "A" ni Duguba "B" ye. Nin komini 2 in koni kera misali kolongirinw ye kosebe kalan in kene kan.

O temenen ko, u da sera méri joyoro ma komini labaarali la. Ka d'a kan, sigida jama bee de b'u ne jo méri la. O tuma, n'o ma ke maa ye min be ben ni kelenya sabatili walew taama a ka sigida la, yiriwali be geleya yen kosebe. O tuma, a man kan cogoya si la, baaraw be baaraw la, méri k'o ke k'a soro a m'a ka sigida jama ladonniya sann'a ka ke, walima a kelen ko. I n'a fo :

* Komini ka san baarakéñafolo donda nefoli jama ye.

* Kokandeme donni dafe ka soro jama t'a kalama. Fen o fen ye komini labaarali wale yiriwali sira ye, méri man kan n'o si keli ye k'a soro a ma jama kunnafoniya u la.

Fen min ye jama joyoro ye, maa faamuyalen ninnu da ser'o fana ma.

Sigida jama fana man kan k'i sigi k'i bolo fila da i sen kan k'a fo ko méri n'a ka ko be noggon na. A ma lawul'o kanma cogoya si la. U ka kan ka fara noggon kan ka komini baara. Sabu n'i y'a men komini, méri n'a ka jama de don. O temenen ko, u da sera jama ka josariya dow fana ma.

Ni méri ye wale ke min te taa jama jiminsira fe, yamaruya b'u bolo, u ka wuli ka se méri ma bonya ni karaama kono ka ne nini o ko la.

Fen min ye dugu walima kin maanemaaw ta fan ye, da sera olu fana joyoro ma sigida labaarali la. Olu joyoro ka bon kosebe komini labaarali la. Ka d'a kan, maakorow be kene o kene kan, a ka ca Ala fe, tijeni te se ka k'olu nena. Olu de be se ka maaw lafaamuya, ka waleyajugukelaw wuli ka b'u ka waleyajugu keli sira kan.

Inazefu ka nin tile-duuru-kalan in kera sababu ye ka faamuyali caman di kalandenw ma walew kan u tun te minnu don kosebe.

Tile-duuru-kalan in kene kan, komini 4 nan ni 6 nan mériw tun be yen, ka fara baarada were maaw kan, i n'a fo musow ka tonba nemaaw n'o ye kafo ye, madamu Kulubali Fatumetu Zuboyi, ka fara komini 6 nan meri wariminena kan n'o ye madamu Ture ye, ani AFEMU ka ciden. Kalan in kuncera nisondiya ni bonya kono.

An b'a jira aw la ko kalan in kera ni "USAID" ani "RTI" ka deme ye nafoloko sira fe.

Aw k'an ben a noggon were ma.
Yusufu Fane
Jekabaara ka ciden

U ko

Sijeoona de ma diya basa la dere. Nonde bi-la sogo te !

Bakari Sise ko Bakisi
"Infos-sport"
kunnafonisében

N'i ye dunan ketó ye ka siga dugulen na, o ju bora jatigila ladili jugu la.

Bamanan Sedu Trawele
arajo jekafé - Bamako

Filen womisenma ni nintin labaarabagaw bee ye maa si-kelenw ye. U bee b'a don a nafa ye min y'u kan.

Jenebu Tangara
ka bo nafaluga - Kolokani

Dinenatige mumé ye galamanin fako kelen de ye finikanma na. I t'a don ka te mogo fa nesi ma, fo n'i y'a dun ka ban. Nka, fen kelenpe b'a sankorota fo badaabadaa. O y'a latigeli y'a nema walasa i komogow tenu nina i ko.

Bugadari Kulibali
Ko : Jitumu Bala Kalanden
ka bo Kolokani

"Maa-si-t'i-ta-fé" wulunin nin kariyoro
ye "maa-bee-b'i-ta-fé" ka tilelaminegunkanfararin ye.

Zoromu Jara
arajo jekafé - Bamako

Sida ma ni

Jantonyerela koro ko ka ni. Bamananw ka kuma koro y'o ye. Awa a tige be kene kan dere. Diñesosigi in kono, ni saya kosagonfura te, baloko numan furaw koni be. olu barikama ye jantonyerela ye. "Karisa a to, n y'a to", o tigi be meen to kan. Nka, "karisa, a to, n t'a to", to be jigilatige deseli k'o da ma dere.

Kabi Sidako in daminena, fo ka se bi ma, kuma bee fôra Sidako in kan sa. kabi maaw tun ma da a ko la waati min, fo k'an'a ko siga bo bee la bi. Bi bi in na, dugubakonoma fara dugu-misenkonoma kan, bee sementiyalen be sa Sida be yen kan. Fen min dun y'a sorosira kelenpe ye, o donnen don. A be sorô joli fe. Awa, o sira taabolo kumbaba ye

kafogonya kekojugu ye ani joliladiñogonma, mako neminenw ka sirafe : dililamu ; sirife ; ninsusu bije...


N'an dun y'a jatemin, an be taa a sorô ko nin fen kelen si soroko te maa kamanagan bi, fo ka se maa were ta koren labarali ma. Ka doreme 2 walima doreme 3 bo i kun, ka lamu san k'i yere mako ne kene ya kono wa, ka walita koren de labaara kene ya

taabolo siga dankun kono de ? An k'a sigi an nekoro k'a sifile dere ! Banajugu de dun kelenpe ye ce nana ni muso nana bee lakari ye. K'i dabolo juguya jugu sakoya laban kono, ka makari danbentan to i ka denbaya la i ko. I dun be se k'o bali ni jogo numanyali dama ye, ka sorô i ma doreme bo. Fen min ye jene ya ye, n'o ye muso bee, walima ce bee fe je ye, an k'a don ko hali ni Sidako te, maa danbema si t'a nini ka ke kogo ye ka na bee labo o siratege la. Hakili de be maaya dafa o siratege la, nonte dije falen be ce ni muso ce

ninw la haali. Nka, o n'a ta bee, k'a don k'o hakew nu caya bee, adamaden bee n'a ninyoro berema don. O de kafisa. An ka farati dabila. Sida ma ni. Ale de be maa lagosi ka sorô i ma sa, ani ka kerefekuma juguw caya i su kunna an'a kofe.

Fen min ye mananinko ye, ni dow ko fugula nafama, maa caman b'o min jate julajugufen ye, a nafa ka bon o ma. Desenyerelaw taalan te wa ? O kanma, an b'a fo ko : yere mine walima fugula nafama, walima jenogon kelen fe je. Sida kelefura jenjew don.

Tumani Yalam Sidibe



Keninge-wusu

Keninge hake do be ta. A be senuya, k'a ko k'a je, ani k'a ke daga do kono k'a balabala. Ni keninge balabala ka s'a tila la, i b'a bo daga kono, k'a fenseñ tile koro. Ni keningekisew jara a nema, i b'u ce ka taa n'u ye siliyoro la (masin). O be ke walasa k'i sakona nökise sorô. I be sorô k'a tenten temew la, wala ka



namanamaw bo a la. Ka kise senuman sorô. I be sorô k'a fiye segere la, walasa k'a b'u bo a la ani fen werew. I b'a mara a

tibili waati ne. A be tobi i n'a fo malokini nama walima nsaame. Neñjen hakennin min be sorô tentenni kofe, o be se ka ke basi ye.

Keninge wusulen nafa ka bon haali cikela ka baloko la, barisa a be se ka kalo 6 ta baloko la.

Madamu Kelema

Bilafin Kulibali

Fana CMDT cikemara
musokaramogogoba

Kazansokaw ni world vision césira

Kazanso ye dugu ye min bë sorobaso komini na. A ni Ntoganaso ce ye Kilometere 13 ye bayanfan fë, ka taa ni köröyanfan ye. A dugumaaw ka baara nesinnen bë sene ma. Tilemafë, u bë nakö sene kosebe. Ni samiyë donna, u bë fen minnu sene, olu ye : Tiga, keninge, sajö, kaba ani malo ye. Fen min ye nakökönfenw ye, u bë fen minnu sene olu ye : Tamati, Jaba, nkoy, kónkónburu,

denmisénw ka kalanko, minnu si b'a ta san 9 ka taa se san 15 ma. A ye dugu ka kólon kóro 3 da laben walasa dugumaaw ka ji saniyalen soro ka do fara dugumaaw ka kénéya kan dugu kóro, O temenéni kó, "World vision" ye jirisiyen lamoyoró do laben kazansokaw ye, ka fara pönpékölön kóro 2 da labenni kan ; min ni dugu ka bota kér'o la sefawari dörömë ba 18 ye. Fen min ye demisénw ka teriyasirako ye, o

balikukalanso kura jo kazansokaw ye, min nafolo hake taar'i jo sefawari dörömë miliyon naani (4.000.000) na. O miliyon naani na, dugumaaw y'a farikololabaa-ra kë, ka sefawari dörömë ba bi seegin (d 80.000) bo nafolomugu la, ka fara "World vision" ta kan.

Dugumaaw ka géléya sorojenw nin baaraw kë waati : Tijani Saara ka fo la hali bi, "World vision" ye baara o baara kë kazansokaw ye yiriwali sira fë, dugumaaw ma géléya foyi soro u la. Fen min y'u nafako ye, k'a ta san 1998 la, fo ka na se san 2002 nan in ma, "World vision" kera sababu numan ye anw ka dugu ma yiriwali sira bëe lajelen na. Nka hali bi, anw kazansokaw bë dëmë nini "World vision" fë, ka d'a kan dijë in kóro, hadamaden nata te fa abada. O siratige la, anw kazansokaw bë lajini min kë ka nesin "World vision" ma olu file :

- 1, Iakolisoko
- 2; pönpékölönko
- 3, kazanso dugu ni gudorón ce sira labenni.

4, ka do fara nakö kéné hake kan walasa dugumaa bëe lajelen sen bë se ka don nakoko la cogo min.


Fen min ye Kazanso musow ka lajini ye, Bintu Danbele ka fo la, fen min ye olu musolakaw ka lajini ye, O te doweré ye ninnu kó :

- 1, ka musojiginso kelen jo kazanso dugu kóro.
- 2, ka u dëmë ni nosimansin kelen ye

3, Musow ka balikukalanko.

An balimamuso Bintu Danbele ka bo kazanso, ale de ye nin lajiniw kë ka nesin "World vision" ma a ka musojekulu togo la.

Yusufu Fane



foronto n'a njogonaw. Ni maa min ye ninnu bëe laje, o b'a jira ko sebë ni césiri bë kazanso, ka fara ben ni kelenya ni njogonfaamu kan. O siratige la, san 1998, kazansokaw ni "World vision" bolo donna njogon bolo yiriwali baarako hukumu kóro. O koson, a ye baara caman kë kazansokaw ye, kerenkerennnya la, musolakaw, ka fara dugumaa bëe lajelen kan. Kazanso musow ka nema Bintu Danbele ka fo la, k'a ta san 1998 la, ka na se san 2002 ma, "World vision" ye baara minnu k'u ka dugu kóro yiriwali baara sira fë, olu file : Nakoko,

bë "World vision" ni kazanso denmisénw ni njogon ce kabini san 1998. U ye dëmë don muso denbatigw ma n'u degeli ye denw ka serinintobi la. Bintu Danbele ka fo la, o kera sababu ye ka yéléma belebele don u denw balocogo la. "World vision" ye kazanso musow dëmë ni nakofensiye san 2 kuntaala kóro, ka nakofen lajalan 1 fara o kan. O temenéni kó, a ye maa 1 ta dugu kóro k'o kalan balikukalan karamogoya la. Tijani Saara ka fo la, ale min ye Kazansokaw ka balikukalanko kòlosiliékulu nema ye, ninan san 2002 in na, "World vision" ye

Koloni world vision ADP Hami ye kominiw ka jætaa ye "Kun te di kuntigi kɔ abada"

Komini te baara komini kɔnɔmɔgɔw kɔ cogoya si la. O siratige la, koloni "World vision" ADP ye komini 6 mériw walima u ka dankanw fara nɔgon kan tile 5 kalan hukumu kono. Koloni ye dugu ye min be kunnana kubeda kɔrɔ faaba la kucala ni kεnɛka cε. Koloni "World vision" ka nin tile 5 kalan in daminena nténen awirilikalo tile 29, ka taa a bila mækalo tile 3 la. San 2002 N togonaso. O fana ye dugu ye min ye Guwaji - kawo komini faaba ye. Kalan in daminédon, komini minnu mériw tun be kene kan walima u ka cidenw, olu togow file :

1, Guwaji - kawo : Tijani Goyita, méri ka dankan 2 nan

Megesige n'u ko Umaru Goyita

2, Koromo : Sidiki Danbele, méri ka dankan fɔlɔ

Jakarija Danbele, kɔnseye.

3, (nantaga) siyaka, komini kɔnseye

4, Sorobaso : Naya Danbele, méri

Jakarija Danbele, komini kɔnseye.

5, kunnana : Alifuseni Mayiga, méri ka dankan 3 nan

Nana Sisoko, sεbenko nεnabobaga

6, Jakariya Danbele, Songo - Kɔrɔ komini méri ka dankan 2 nan.

Nin maa kofolen ninnu bε layelen tun be kalan in kene kan, ka fara maa wεrew kan, min jama hake mume tun be se maa 30 nɔgonna ma, cew ani musow. Tileduurukalan in tun jεsinnen be dakun saba ma, minnu file :

1, Denmisew ka josariyako.

2, Den n'a bangebagaw cεsiraw

3, Sidako.

Nin dakunw na, fila walawalanna an balimakè sogoba fe. Ale ye sariya tigilamaa ye, wa jekulu nεmaa don fana minnu ka baara jεsinnen be musow ni denmisew

ka josariya lakanani ma, n'u sigiyɔrɔ bennet be kucala ma. Tileduurukalan in hukumu kono, karamɔgo sogoba ye kunnafoni caman di kalandenw ma minnu nafa ka bon kosebe u ka baara siratige la. O temenéni kɔ, an bali-mamuso min ye Sidako kasaara da kalanden ninnu tulo kan, o kera sababu ye k'u nisondiya kosebe. Ka d'a kan, u tun te fεn o fεn dɔn sidabana lasɔrcɔgo kan, u y'o caman faamu. Muso in da sera fεn caman ma minnu be se ka ke sida sɔrɔli sababu ye. I n'a fɔ, bolokolimuru, tulosɔgo miseli, kunfonibandigi n'a nɔgonna. O hukumu kono, kalan in tora senna fo mækalo tile 3, san 2002. O don, nege kanje 13, koloni "World vision" ADP nεmaa Poli Kulibali ye kalandenw fo k'u walenumandon. Ka d'a kan, u sonna k'u ka baaraw bila ka na

walasa u be se k'u hakiliw falen falen nɔgon na min b'a to baara be nɔgoya u bεs bolo yariwali hukumu kono. A y'a jira a ka kuma la fana, ko ni ALA sɔnn'a ma, u be nin nɔgonna kalan wεre boloda fo min Jama be sɔn ka bonya ni nin ye. Ka d'a kan, o tεna dan mériw n'u baarakεnɔgonw dama ma, dugu maaba wεrew be se ka ye o la, i n'a fɔ dugutigiw ni gatigiw. Poli Kulibali ka kuma banner, sorobaso komini méri Naya Danbele ye kuma ta. A y'a ka nisondiya jira nin tile duuru kalan in nafa n'a joyɔrɔ bonyali kan kominiw ka jætaa la. O temenéni kɔ, a ko "World vision" be baara minnu ke u ka kominiw kono, o ye fεn ye min dogolen te Kucala mara maa si la. Nka halibi, a b'a nini "World vision" fe a ka dɔ fara o waleya kan ka t'a fe. O temenéni kɔ, Megesige, n'u ko Umaru Goyita, ale fana ye



kalan in kε tile duuru kuntaala kono. O kera ko ye min diyara ale ye kosebe. A ko fεn min ye "World vision" ni kominiw nεmaaw cε ye, n'o y'a mériw n'u ka kɔnseyew ye, o te dɔwεrε ye bεn, kelenya, nɔgonfaamu ani jekabaara kɔ. Osiratige la, u ye tileduurukalan in laben ka jεsin kominiw mériw n'u baarakεnɔgonw bεs lajelen ma,

kuma ta k'a ka nisondiya jira kalan-ko in na. A y'a jira a ka kuma la, ko méri minnu be togodalakominiw la, u n'u ka kɔnseyew k'u bolo di nɔgon ma ka fadenya kεlε kɔrɔw ni juguyakise bilen dabila, ka baara ke ni jama hakilina ye. Ka d'a kan, "World vision" be baara o baara

a to be ne 10 kan

boloda ka nesin togodala kominiw ma, o bëe kun ye kominiw nemaaw n'u baarakéjogonw ka njogonfaamu ye ben ni kelenya kono, ani k'u tin don njogon na ka baara numan ke walasa komini be yiriwa. Ka d'a kan, komini te baara a konomaaw ko. O temenén ko, kalan in yere bolodabaga, n'o ye Benzame Male

ye, ale ye kalandenw fo u ka timi-nandiya n'u ka njogon faamu la, tile duuru in kono. K'a jini u fe fana, nin n'a njogonna fen o fen ni "World vision" y'a boloda ka wele bila u ma, u ka bo i n'a fo kono kulu, ka na wele in laje. Sabu o be ke sababu ye ka "World vision" ka baaraw don da la. Ninnu bëe lajelen bannen, a

y'a jira kalandenw na ko "World vision" ye dalamagafen dow laben ani minfen, k'u k'o bila u da. O dumuni kelen, a ye ladiyalifennin di kalenden kelen kelenna bëe ma, min nafolo bora "World vision" ka kesu kono. O bannen, a ye jama labila, bëe taara a boyoro la.

Yusufu Fane

Keleya zayeriw duguyiriwaton do nema ko di an ka korofo la ?

Nininkali : Zantigi Bakari Samake, an n'aw ka zayerikuntigi tilalen ko kuma na, an b'an nesin e ma jekabaara boko kosa. Yali i be se ka kuma i yere kan an ye wa ?

Jaabi : Ne ye Bakari Samake ye. Nka, mogow be n don ni min ye, o ye zantigi de ye. Ne ye Awe sekereteri ye Keleya yan.

Nininkali : I be se k'i ka Awe bugunatige k'an ye wa ?

Jaabi : N be se ka do fo n ka Awe kan. Anw ka Awe sigira 1975 san. An tora Aweya la kabi o don fo bi.


Nininkali : E yere hakili la, aw ka Awe sera ka yelema don senekelaw ka dijenatige taabolo la Keleya yan wa ?

Jaabi : N balimake Sidibe, n be se k'a fo k'a ye yelema caman don Keleya duguw taabolo la. O sababu bora an n'an ka zayerikuntigw ka kalan ketaw n'an ka lajini ketaw la, duguw ka netaa kanma. Nka k'a sababu ke soro n'a cogo ye, n be se k'a fo ko do be yelema in sanga je halibi.

Nininkali : E ye Keleya donbaga ye. Yali i be se ka kuma an ye Keleya duguw yere kan wa ?

Jaabi : Keleya ye komnidugu de ye. Dugu 22 de b'a komini kono. Nka méri yere sigilen be Keleya dugu de kono.

Nininkali : An be segin an k'o k'i



nininkali aw ka Awe ka netaa baara kelenw la (magasajow ; kalankow, senekeminenko...)

Jaabi : Anw ka Awe koni ma baaraba sugu o ke, k'a sababu ke soro n'a cogo ye. An koni sera ka jiko lasabati an bara yan. I n'a fo an ka jibondo (sato). O temenén kofe, an ka dugu kinda do be yen, min be wele ko Sokuralen. An sera ka ponekoton kelen sen yen. Fen min ye cikeminenko ye, an ni CMDT ka bolodijogonma y'a to an sera ka sarimisi 14 njogon ladon dugu kono. O dira misijininaw ma. N be se k'o de f'i ye folo.

Nininkali : Aw ni CMDT yere ka baara njogonya be cogo di ?

Jaabi : Anw koni ni CMDT be baara la njogonfe, kabini an kera Awe ye. Baara o baara, ni mogow b'a ke njogonfe, njogoyaw be soro a la, geleyaw fana be soro a la. Nka, k'a fo k'an ye geleya sugu o soro an ni CMDT cesira la, o ma ke. Nka, ni sené kera, soro cogoyaw te kelen ye, sanw yere fana te kelen ye. Dow be bin san dow la. Dow yere fana be yelen san dow la. Fen min ye kooriko geleyaw ye, olu ye koori sanni n'a feereli, an'a wari dili waatiko ye. Ni koori pesera sisan, sanni a wari ka soro, o fana be meen. O dun t'an kelen ye. O ye duguw bëe kunkanko ye. Ni dugu bonyara, a baaraw be geleya.

Nininkali : An ka Bla cikekafo taama senfe, a jirala an na, k'o geleya ju be dugumogow yere de la. Barisa, u caman b'u ka koori labo ka soro a ma bila sanni porogaramu na folo. E ko cogodi o la ?

Jaabi : Hali anw yere fe yan, an te se ka koori pese cogoya si la, kasoro an ka nemaogow, zayerekuntigw, ma porogaramu di an ma. Ni maa min y'a ka koori pese kasoro porogaramu ma d'i ma, n'o meena, o koni te CMDT ka ko ye. Ninan, a fura ko koori be pese i koro k'a ke mobili kono. A tun fura fana ko ni koori bëe taara don min na, ko wari be soro o tile 10. Geleya donna o yoro de la dooni.

Nininkali : Awew yere de y'u ka koori kalite sifileli ke ninan. Olu caman ka kalite folo taara ke kalite filanan ye ponebasikili la. O geleya be cogodi aw bara yan ?

Jaabi : N balimake Sidibe, o yoro ka gelen, nk'a ka njogon fana. N'i ye baara ke a kecogo lakika la kasoro i ma mogow ne laje, o be koori kalite sigili baaraw njogoya.

Nininkali : Yali o geleya sera aw fana fe yan wa ?

Jaabi : Kabi anw kera Awe ye, kalite filanan ma deli ka soro anw fe yan folo, kuma te sabanan ma. Anw ka kalite bëe ye folo ye. An be Ala taanu o la. Fen min ye ninanta ye, an ka boori koni taara. Nka, an ma komasegin-jaabi soro kalite kan folo. An be k'o de makonon.

Nininkali : E ka ladilikan saba ye jumenw ye : ka nesin CMDT zayeriw bëe ma ; ka nesin CMDT cikelaw ma ; ka nesin CMDT yere ma ?

Jaabi : Ne b'a jini CMDT cikelaw bëe fe u kana dugu baara si ke njogonfille la. Kerenkerenne-

a to be ne 11 kan

nya la kɔori kaliteko la. "N fa ye karisa ye ; n ba ye karisa ye ; n somogɔ̄ ye karisa ye..." an k'ɔ̄ dabila baara la. Tinefɔ̄nteriye, o tɛ teriya sa. An ka dugu baaraw k'a nɛma, n'o kera duguw danbe bɛ to u la. N b'a nini cikɛlaw fe fana u ka "wulijoona" matarafa. Sene yere ye "sominjeko de ye." Ni mɔ̄go min wulila mɔ̄go min nɛ o de be samiñe tonɔ̄ bɔ̄ ni kɔsañewulibaga ye. Maa min y'a ka kɔori dan zuwɛnkalo la, ani min y'a ta dan zuluyekalo la, cogo si la u ka kɔori wulicogo ; a girinyacogo an'a den kɛcogo tɛ kɛ kelen ye. Hali sugu la, u tɛ kɛ kelen ye nɛnumanko la. Anw dun ka mɔ̄go caman de bɛ yen, minnu bɛ nɔ̄sene ke folɔ̄ ka sɔ̄ro ka se kɔori danni ma. O man kan.

Fen min ye CMDT yere ta fanfela ye, anw kɔni mako bɛ minenw la halibi, barisa minenw m'an labo a nɛma. O de kanma, ne

b'a nini CMDT mogow fe halisa, u kana nini an ko. Ni den taamalen kuranin b'i bolo, n'i girinna k'a bolo bila a be bin.

Nininkali : Samakeke, an ye nin baara bɛ ke sisan. Awa kunnafoniw bɛna bo zuwɛnkalo bɔ̄ko kɔ̄nɔ̄. Nka Jekabaara kalannen tɛ aw fe yan, yali o tɛna ke fu ye aw bolo wa ?

Jaabi : Tine yere la, an bɛ Jekabaara nafa dɔ̄n kabi bi ma se. Kabini "Kone" ninnu (Zayerikuntigi) bɛ yan tuma min na, u tun bɛna a d'an ma. An tun b'a bakurunba san ke. An tun b'a sara ni kanpani kera. N'i ye mɔ̄go yere farifagalen y'a la dɔ̄oni, o tun y'a sebaliya ye an ma a waati la. N'a fɔ̄ra ko mɔ̄go ka kalo saba tɛmènen makɔ̄nɔ̄, walasa ka bɔ̄ko sɔ̄ro, o bɛ mɔ̄go farifaga haali. Nka i komi e yere da sera nɔ̄goyaba donni na o yɔ̄ro la, an bɛna an kɔsegina ma. N bali-

make Sidibe, ne yere y'e tɔ̄go dɔ̄n a mɛnna kasɔ̄rɔ̄ n m'i ye. O sababu bɔ̄ra Jekabaara la. A b'an kalan ani k'an lafaamuya dijenatige taasira bɛ fe. Jekabaara nafa ka bon haali. Ladamu ni baara ani kodon siratige la, Jekabaara b'a kalan baga nafa a nɛma nin bɛe la. Jekabaara bɛ mɔ̄go bilasira sene taasira la. Fen min ye kalo baara ketaw ye, Jekabaara b'an ladonniya o bɛe la. Jekabaara b'an lafaamuya hali jamana taabolow la. Awa, a sɛbenné don an ka todunkan de fana na.

Ne bɛ yɔ̄ro min na i ko bi, Jekabaara sorɔ̄baliya dimiba de bɛ ne na. Awa, i komi a bɛ bɔ̄ ka bɛn a bɔ̄kalo ma sisan, anw bɛna ko bɛe ke ka segin a ma. Jekabaara nafa ka bon haali anw cikɛlaw ma.

Nininkali kɛbaga
Tumani Yalam Sidibe

San 2002 kupudimɔ̄ndi ntolatanw fasarikɛnɛ



Senegali "Teranga warabaw" ye afriki bɛe kunnawolo san 2002 kupudimondi kɛnɛw kan !

Djne ntolatankupuba (kupudimondi) ntolatank 17 kera, k'a damine mɛkalo tile 31 la, ka se zuwɛnkakolo tile

31 ma, san 202. Ntolatan ninnu kera jamana fila de ka laben kɔ̄nɔ̄ nɔ̄gɔ̄n fe, n'o ye Kore jamana ni Zapɔ̄n jamana ye. Djiné ntolatan-

kupuba 17 nan in njanaya tara Berezili jamana fe. Berezili ye Alimanw ka cedenw dasi njanjinikɛnɛ kan ni kuru 2 ni 0 ye. O kuruw donbaga kera Berezili ka ceden njan ye, n'a bɛ wele ko "Oronalido".

Jamana 32 tɔ̄nnjanaw de tun bɛ ntolatankɛnɛ ninnu kan Kore ani Zapɔ̄n. Afiriki jamana duuru (5) cedenw de tun b'o hake la. Olu ye : Afiriki di Sidi, Kameruni, Nizeriya, Tinizi ani Senegali ye. Tine don, Afiriki tɔ̄gɔlatɔ̄n ninnu bɛe y'u jeniyɔ̄rɔ̄ fin. Nka, Senegali "Teranga warabaw" de sera ka seeginjinikɛnɛ (kari de finali) lasɔ̄rɔ̄. O wuliko de la, Turuki cedenw ye Senegali cedenw senbo. Nin y'a sijɛ filanan ye kupudimondi tariku bɛe la, Afiriki ntolatantɔ̄n ka wuliko finanan tan-niw kɛnɛ lasɔ̄rɔ̄. A folɔ̄ kera

a to be ne 12 kan

Kameruni cedenw ye san 1990, Itali k'a dafa fila la ni Senegali cedenw "Teranga warabaw" ye san 2002. Senegali cedenw : Elaji Jufu, Hanri Kamara, Kalilu Fadiga, Feridinan Koli, Pap Buba Jopu, Toni Silwa, Salif Jiyawo, n'u tōw ye maaw nefa ni Faransi cedenw dasili ye (Kuru kelen (1) ni fu (0). Olu minnu tun ye ñanaw ye, fo ka se san 2002 ntolatanw ma.

Senegali temenen kō, tōn wēre minnu ka sankorota balara mogow la, olu kera Turuki cedenw (jyōro 3nan) ni Kore cedenw ye, jyōro 4nan. Nka dijē ntolatankupu tanko 17 nan in ceden minnu bora jama jigikōrō, o kera Faransi cedenw, ni Arizantini cedenw, ani Porutugali cedenw de ye. Maaw tun sigilen be n'o tōnw ka sodan-soya de ye, nka, kene kan, a si ma wuliko fōlō dankun kōsagon.

Nin ye kupudimondi ñanaya tako duurunan (5nan) ye Berezilikaw fe. U be Alimanw ne, olu minnu y'a ñanaya sōrō sijē 3.

kupudimondi nata htolatanw be ke san 2006, Alimanw bara. O ye sira jōnjōn y'u bolo ka ninanta in mōne bō u la, ni o kenew ñanaya tali ye.

Ñanasigidaw

- Tōnñana : Berezili
- Kurudonna ñana : Oronaldo (Berezili)
- Ntolatanna ñana : Oliwēr Kahan (Aliman)
- Kuru hake donnen : 161
- Keletiki ñana (ataki) : Berezili (sebaaya 18)
- Lakanabaga ñana (defansi) : Alimanw (kuru 3 de donna u kun)

**Ka bō Musa Boli ka
kalimu kala da**
Ani Tumani Yalam Sidibe

Jirisun ye fenba ye jamana bēe kōnō, sanko an ka jamana, n'o ye Mali ye. Jiri jumen ni jumen ka kan ka sabati ? N be jiri suguya min jira mogow la yan, Nuhun Tarawele o ye si ni ye. N b'o don sabu la o de ka ca an ka dugu kōnō, n'o ye Koyo n'a kungokōnōnaw ye. Si nafa ye mun ni mun ye bamaanan ? Sisun, a bulu ce kāni, a sumā dafalen don. N'i y'i sigi a sumā kōrō i te wuli ka foro sēnēni-damine fōlō, jiri sumā diya koson. Si bulu be ke ka numumusow ka daga dilantaw datugu,, walasa ka daga kuraw farikolo datugu k'a ce ne. U b'a bulu ke ka sunbala dilantō datugu walasa o be mo kojuman. Sisun bulu bōlen kō yen, si feere fana kasa ka di kosebe mogow nun kōrō. Fo didenw caman bēna sigi o yōrōw la tuma o tuma. Feere ka waati mana dafa, denw kurunin kun be bo dōoni-dōoni, fo u be kōgo waati min na. U mōni be tugun o waati la. Siden mō ka di cogo min, o waati sēnēkelaw caman te dumuni bēre ke. O sababu be bō simo dumuni na. Sidenw tōmōni kanma, musow be solikawuli damine. O la, hali dugusse te je, u be njōgōn lawuli ka taa sisunw senkōrō. U b'u bolo mōmō duguma, ka sidenw tōmo, k'u ke minenw kōnō fo ka t'olu fa. U be sōrō ka t'o siden tōmōnenw ke dingé kōnō, k'o fa tewu. O tuma, sitōmō mana ban, u be sidenw (kolōw) wusu dibi la. Sidenw wusulen kō, k'u faraw bō u la, u be

Sisun ko...



Mamadu Nuhun Tarawele

ke dibi la tugun k'u wusu kokura. O kō, u be ke kolon kōnō, musow b'u susu fo k'u ji bō. N'o baaraw banna, musow b'a si wugu la, ka sōrō k'a gosi fo k'a ne je. O kōfē, u be ji ke sikōlo gosilen neje o la, k'a ke baramaw kōnō, k'a tobi. U be sanga danma k'o tobili la. A tulu be bō, i be sōrō k'a jigin k'a ke minenw kōnō. N'a sira, a ne be jeya. O ye situlu labencogo ye bamananmusow bolo ka bi lawale la, fo ka se bi ma. Ni sisun kera jafēn ye dun ? O la, musow b'a bayelema k'a ke segebuguri jeman ye. U b'o segejenin ke minenw kōnō wo be minnu jukōrō. U be ji d'a kan. O b'a sōrō minen wēre sigilen b'a jukōrō. Segejeni be soolo ka k'o minen kōnō. U be sōrō k'o ji ke barama kōnō, k'a gerengeren, k'a ke tosegē ni siramu-gusegē ye.

Mamadu Nuhun Tarawele
Hamudalayi (Bamako)

Jekabaara

Labolikuntigi ni Sebennekulu kuntigi
Tumani Yalam Sidibe
Sebennekulu
Yusufu Fane
Tumani Yalam Sidibe
Demenogonw
Fanta Kulubali
Idirisa Setigi Sakō
Bonifasi Danbele
Tegenw kebaga
Yakuba Jara ko Kayi
Labenbaga oridinateri la
Worokiyatu Sa
Baarakēnogonw
CMDT-World Wision-
Ofisi Nizeri-Ofisi iri-OHVN
Hake bōta
11000
Batakisira 2043
Negejurusira 29 62 89
Jamana baarada-Seki zayedī togola
sira-Hamudalayi kin-Bamako